



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 54. stav 3. Zakona o vodama („Službene novine Federacije BiH“, broj: 70/06), člana 28. stav 3. Zakona o vodama („Službene novine Zeničko-dobojskog kantona“, broj: 17/07), člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), i člana 19. stav 1. tačka 2. Statuta Općine Breza („Službeni glasnik Općine Breza“, broj: 8/09 – Prečišćeni tekst), Općinsko vijeće općine Breza, na sjednici održanoj dana 27.03.2019. godine, donosi:

ODLUKU O ODVODNJI I PREČIŠĆAVANJU OTPADNIH VODA

I OPĆE ODREDBE

Član 1.

(Predmet odluke)

Ovom Odlukom uređuje se obavljanje komunalne djelatnosti odvodnje i prečišćavanja otpadnih voda na području općine Breza, a naročito:

- vrste otpadnih voda,
- sistemi odvodnje otpadnih voda,
- vrste kanalizacione mreže i drugih objekata i uređaja kojima se obezbjeđuje obavljanje djelatnosti odvodnje i prečišćavanja otpadnih voda,
- nosilac usluge odvodnje i prečišćavanja otpadnih voda na području općine,
- korisnici usluge odvodnje i prečišćavanja otpadnih voda na području općine,
- uslovi i način obavljanja komunalne djelatnosti odvodnje i prečišćavanja otpadnih voda,
- uslovi i način ispuštanja otpadnih voda na područjima na kojima nije izgrađen sistem javne odvodnje otpadnih voda,
- izgradnja kanalizacione mreže i drugih objekata i uređaja sistema odvodnje i prečišćavanja otpadnih voda,
- upravljanje, korištenje, održavanje i mjere zaštite objekata i uređaja sistema odvodnje i prečišćavanja otpadnih voda,
- uslovi i način pružanja usluge odvodnje i prečišćavanja otpadnih voda korisniku usluge,
- uslovi i način priključenja korisnika usluge na objekte i uređaje sistema odvodnje i prečišćavanja otpadnih voda,
- uskraćivanje usluge odvodnje i prečišćavanja otpadnih voda,
- međusobni odnosi davaoca i korisnika usluge odvodnje i prečišćavanja otpadnih voda,

- način obračuna i plaćanja naknade za pruženu uslugu odvodnje i prečišćavanja otpadnih voda,
- način postupanja i ovlaštenja općine u obavljanju komunalne djelatnosti odvodnje i prečišćavanja otpadnih voda,
- nadzor nad provedbom odredaba Odluke,
- kaznene odredbe za nepoštivanje odredaba Odluke.

Član 2.

(Otpadne vode)

Otpadnim vodama, u smislu ove Odluke, smatraju se vode koje su promijenile svoje prirodne, fizičke, hemijske ili biološke osobine rezultatom ljudskih aktivnosti.

Otpadne vode iz stava (1) ovog člana dijele se na:

- sanitarne otpadne vode (vode iz domaćinstava, ugostiteljstva, zdravstva, školstva, uslužnih i drugih neproizvodnih djelatnosti),
- industrijske vode (nastale kao posljedica tehnološkog procesa u industriji, privredi, zanatstvu i drugim djelatnostima),
- rashladne otpadne vode (koje nisu nastale kao posljedica tehnološkog procesa),
- radioaktivne otpadne vode (koje sadrže radioaktivne tvari i otpad),
- oborinske vode kao posljedica kiše, grada, topljenja snijega i sl.,
- vode od pranja ulica,
- drenažne vode.

Član 3.

(Sistemi javne odvodnje otpadnih voda)

Sistem javne odvodnje otpadnih voda sačinjavaju objekti i uređaji koji služe za prikupljanje, prečišćavanje i ispuštanje u recipijent voda iz sistema unutarnje odvodnje otpadnih voda.

Sistem javne odvodnje otpadnih voda može biti:

1. mješoviti sistem,
1. odvojeni sistem,
1. kombinovani sistem.

Mješovitim sistemom javne odvodnje odvođe se zajedno sve otpadne vode iz člana 2. stav 2. ove Odluke.

Odvojenim sistemom javne odvodnje odvođe se otpadne vode iz člana 2. stav

2. tačka a), b), c) i d) ove Odluke.

Kod kombinovanog sistema javne odvodnje otpadnih voda dio područja obuhvata sistema javne odvodnje otpadnih voda pokriven je mješovitim sistemom, a dio odvojenim sistemom.

Posebним odvojenim sistemom javne odvodnje odvođe se otpadne vode iz člana

2. stav 2. tačka e), f) i g) ove Odluke.

Odredbama ove Odluke uređuje se odvodnja otpadnih voda sistemima javne odvodnje iz stava 3. i stava 4. ovog člana.

Odvodnja otpadnih voda sistemom javne odvodnje iz stava 5. ovog člana urediće se posebnom općinskom odlukom.

Član 4.

(Sistem unutarnje odvodnje otpadnih voda)

Sistem unutarnje odvodnje otpadnih voda čine instalacije, objekti i uređaji za skupljanje i prečišćavanje otpadnih voda, ukoliko je prečišćavanje potrebno, te njihovo odvođenje do kontrolnog okna, odnosno do spoja sa sistemom javne odvodnje, uključujući i kontrolno okno. Sistem unutarnje odvodnje otpadnih voda je u vlasništvu vlasnika građevine koja je priključena na javni sistem odvodnje otpadnih voda.

Član 5.

(Davalac usluge)

Komunalnu djelatnost odvodnje i prečišćavanja otpadnih voda na području općine Breza obavlja JP „Komunalno“ Breza koje je osnovala općina Breza i povjerila mu obavljanje ove djelatnosti u skladu sa odredbama Zakona o komunalnim djelatnostima (u daljem tekstu: davalac usluge).

Član 6.

(Korisnik usluge)

Korisnikom komunalne usluge odvodnje i prečišćavanja otpadnih voda smatra se svako fizičko ili pravno lice, vlasnik građevine koja je priključena na sistem javne odvodnje otpadnih voda i koji je sa davaocem usluge zaključio ugovor o međusobnim pravima i obavezama u pružanju, odnosno korištenju usluge odvodnje i prečišćavanja otpadnih voda.

Kod mješovitog sistema i odvojenog sistema iz člana 3. stav 4. ove Odluke javne odvodnje otpadnih voda korisnikom usluge odvodnje i prečišćavanja otpadnih voda smatra se i fizičko ili pravno lice, vlasnik uređenih (nepropusnih) saobraćajnih i drugih površina sa kojih se oborinske vode i vode od pranja tih površina odvede u sistem javne odvodnje otpadnih voda. Korisnikom usluge smatra se i vlasnik drenažnog sistema iz kojeg se drenažne vode odvede u mješoviti sistem javne odvodnje otpadnih voda.

Korisnikom usluge smatra se i vlasnik građevine iz koje se otpadne vode ispuštaju u propisno izgrađenu sabirnu (septičku) jamu i koji ima zaključen ugovor sa davaocem usluge.

II. USLOVI I NAČIN OBAVLJANJA KOMUNALNE DJELATNOSTI ODVODNJE I PREČIŠĆAVANJA OTPADNIH VODA**Član 7.**

(Sistemi javne odvodnje otpadnih voda)

Otpadne vode općine Breza odvede se sistemom javne odvodnje otpadnih voda.

U sklopu sistema javne odvodnje otpadnih voda iz stava 1. ovog člana ne postoji izgrađen uređaj za prečišćavanje otpadnih voda, do izgradnje uređaja za prečišćavanje otpadnih voda iz stava 1. ovog člana, otpadne vode se ispuštaju direktno u prirodni vodotok rijeke Stavnje. Na područjima općine na kojima nije izgrađen sistem javne odvodnje otpadnih voda otpadne vode se ispuštaju u nepropusne sabirne (septičke) jame ili u lokalni sistem odvodnje otpadnih voda, na način propisan odredbama ove Odluke.

Na područjima općine na kojima postoji izgrađen odgovarajući sistem odvodnje otpadnih voda nije dozvoljena izgradnja sabirnih (septičkih) jama.

Član 8.(Ispuštanje otpadnih voda u sistem
javne odvodnje otpadnih voda)

Otpadne vode ispuštaju se u sistem javne odvodnje otpadnih voda u skladu sa odredbama člana 3. ove Odluke.

Kod odvojenih sistema odvodnje otpadnih voda jednim sistemom se odvede otpadne vode iz člana 2. stav 2. tačka a) do d) ove Odluke, dok se posebnim sistemom odvodnje odvede otpadne vode iz člana 2. stav 2. tačka e), f) i g) ove Odluke.

U mješoviti sistem javne odvodnje otpadnih voda, otpadne vode iz člana 2. stav

2. tačka e), f) i g) mogu se ispuštati samo sa uređenih, nepropusnih površina, odnosno drenažnih sistema.

Član 9.

(Kvalitet otpadne vode koja se
upušta u sistem javne odvodnje
otpadnih voda)

Korisnik usluge odvodnje otpadnih voda putem sistema javne odvodnje otpadnih voda dužan je otpadne vode koje ispušta u sistem javne odvodnje otpadnih voda svesti na kvalitetu vode utvrđenu prema važećim propisima, vodnim uslovima i aktima davaoca usluge, odnosno do određenog standarda sanitarnih otpadnih voda, koji neće ugroziti pravilan rad sistema javne odvodnje i prečišćavanje otpadnih voda, niti će imati uticaja na kvalitet okoliša u cjelini.

Član 10.

(Obaveza prethodnog prečišćavanja
otpadnih voda)

Industrijske tehnološke i druge otpadne vode koje su agresivne, toksične ili su zagađene patogenim klicama, virusima i radioaktivne, mogu se ispuštati u sistem javne odvodnje otpadnih voda samo ako su prethodno prečišćene i neutralizirane putem posebnih uređaja za prečišćavanje, do stepena propisanog važećim propisima.

Svaki korisnik usluge koji u sistem javne odvodnje otpadnih voda ispušta otpadne vode iz stava 1. ovog člana, mora posjedovati odgovarajući vodni akt izdan od strane organa uprave nadležnog za poslove voda u skladu sa odredbama federalnog i kantonalnog Zakona o vodama.

Uređaji za prethodno prečišćavanje otpadnih voda moraju biti izvedeni tako da je obezbijedeno neprekidno prečišćavanje otpadnih voda i kada se instalacije i uređaji sistema unutarnje odvodnje otpadnih voda čiste ili popravljaju.

Građevine koje ispuštaju otpadne vode iz stava 1. ovog člana ne mogu biti priključene na sistem javne odvodnje otpadnih voda, ukoliko nemaju izgrađen uređaj za prethodno prečišćavanje otpadnih voda i ne posjeduju akt nadležnog organa uprave iz stava 2. ovog člana.

Član 11.

(Analiza kvaliteta otpadnih voda)

Davalac usluge je dužan analizirati kvalitet otpadnih voda iz člana 10. ove Odluke svaka tri mjeseca.

Troškove analize snosi korisnik usluge.

Prilikom vršenja analize kvaliteta otpadnih voda primjenjuju se odredbe člana 11. i člana 12. Uredbe o uslovima ispuštanja otpadnih voda u prirodne recepijente i sisteme javne kanalizacije („Sl. novine FBiH“ br. 04/12).

Član 12.

(Tvari koje se ne smiju ispuštati u
sistem javne odvodnje
otpadnih voda)

U sistem javne odvodnje otpadnih voda ne smiju se ispuštati, naročito:

- a) krute i viskozne tvari, koje same ili u kontaktu sa drugim tvarima mogu prouzročiti smetnje u protoku vode kroz cijevi ili druge smetnje u radu sistema otpadnih voda kao što su: pepeo, šljaka, slama, otpaci i strugotine metala, plastike i drveta, krpe, perje, dlake, mesni ostaci, krečni mulj i ostatak kreča, otpad iz proizvodnje piva, konzervi i destilacija, ostaci kemikalija, boja i sl.,
- b) masti i ulja,

- c) sirutka,
- d) talozi koji nastaju pri pročišćavanju voda, cementni mulj, ostaci betona, tvari koje nastaju čišćenjem stambenih, poslovnih i proizvodnih pogona, kruti otpaci hrane, plivajuće tvari i dr.,
- e) kisele, alkalne, agresivne i ostale štetne tvari koje nepovoljno djeluju na materijal od kojega su izgrađeni objekti i uređaji sistema odvodnje otpadnih voda,
- f) tvari koje same ili u kontaktu sa drugim tvarima mogu izazvati smetnje i opasnost po zdravlje ili život ljudi ili spriječiti ulaz u kanale, objekte i uređaje radi održavanja i popravaka, kao što su: zapaljive i eksplozivne tekućine, štetni i plinovi neugodnog mirisa (sumporovodik, sumporni dioksid, dušikovi oksidi, cijanidi, klor i drugi),
- g) patogene bakterije ili virusi,
- h) radioaktivne materije,
- i) ostale štetne tvari.

Tvari iz stava 1. ovog člana, kao i druge opasne i štetne tvari, korisnik usluge odvodnje otpadnih voda dužan je posebno odlagati i odstranjivati u skladu sa odredbama posebnih propisa.

Član 13.

(Obaveza davaoca usluge)

Davalac usluge je dužan da bez prekida, obezbijedi efikasno funkcionisanje sistema javne odvodnje otpadnih voda.

Davalac usluge je odgovoran za punu i pravilnu primjenu propisa i tehničkih mjera koje se odnose na obavljanje djelatnosti odvodnje i prečišćavanja otpadnih voda.

Član 14.

(Prekidi u funkcionisanju sistema odvodnje otpadnih voda)

U slučaju planiranog prekida u funkcionisanju sistema odvodnje otpadnih voda davalac usluge je dužan o tome obavijestiti korisnike usluge najmanje jedan dan ranije putem sredstava javnog informisanja i pisanim obavijestima (plakatima) koji se postavljaju na više lokacija na području na kojem se planira prekid u funkcionisanju sistema odvodnje otpadnih voda, a veće korisnike usluge i pismeno ili putem telefona.

Po otklanjanju razloga prekida u funkcionisanju sistema odvodnje otpadnih voda davalac usluge je dužan da odmah obavijesti korisnike usluge o funkcionisanju sistema, na isti način kao u stavu 1. ovog člana.

Član 15.

(Neplanirani prekid u funkcionisanju sistema odvodnje otpadnih voda)

U slučaju nastupanja neplaniranih prekida ili poremećaja u funkcionisanju sistema odvodnje otpadnih voda, davalac usluge je dužan da odmah preduzme sve potrebne mjere kako bi se u što kraćem roku normaliziralo stanje u odvodnji otpadnih voda, odnosno funkcionisanju sistema odvodnje otpadnih voda.

U slučaju iz stava 1. ovog člana davalac usluge je dužan da odmah obavijesti korisnike usluge, putem elektronskih sredstava javnog informisanja ili na neki drugi pogodan način.

Član 16.

(Odgovornost za štetu nastalu uslijed prekida u funkcionisanju sistema odvodnje otpadnih voda)

Davalac usluge nije odgovoran za štetu nastalu uslijed više sile (neuobičajeno visok nivo recipijenta, velike oborine, zemljotres i dr.), kao i većih tehničkih smetnji izazvanih bez krivnje davaoca usluge.

Davalac usluge je odgovoran za štetu nastalu uslijed neodržavanja ili nedovoljnog održavanja objekata i uređaja sistema odvodnje otpadnih voda.

Član 17.

(Primjena propisa na obavljanje djelatnosti odvodnje i prečišćavanja otpadnih voda)

Na obavljanje komunalne djelatnosti odvodnje i prečišćavanja otpadnih voda primjenjuju se odredbe federalnog i kantonalnog Zakona o vodama, kantonalnog Zakona o komunalnim djelatnostima i podzakonskih propisa donesenih na osnovu tih zakonskih propisa, kao i odredbe ove Odluke.

III. USLOVI I NAČIN ISPUŠTANJA OTPADNIH VODA NA PODRUČJIMA NA KOJIMA NIJE IZGRAĐEN SISTEM JAVNE ODVODNJE OTPADNIH VODA

Član 18.

(Odvodnja otpadnih voda na područjima na kojima nije izgrađen sistem javne odvodnje otpadnih voda)

Na područjima na kojima nije izgrađen sistem javne odvodnje otpadnih voda, otpadna voda iz sistema unutarnje odvodnje otpadnih voda ispušta se u sabirne (septičke) jame.

Izuzetno od odredaba stava 1. ovog člana na područjima iz stava 1. ovog člana otpadne vode iz sistema unutarnje odvodnje otpadnih voda mogu se ispuštati u lokalni sistem odvodnje otpadnih voda, na način propisan odredbama ove Odluke.

Na područjima na kojima postoji izgrađen sistem javne odvodnje otpadnih voda nije dozvoljeno graditi sabirne (septičke) jame i koristiti se njima.

Član 19.

(Način izgradnje sabirnih jama)

Sabirne (septičke) jame moraju biti vodonepropusne i moraju biti izgrađene bez ispusta i preljeva.

Sabirne (septičke) jame moraju se nalaziti na mjestu do kojeg je u svako vrijeme moguć pristup posebnim vozilima za pražnjenje sadržaja sabirne (septičke) jame.

Građevine na područjima na kojima nije izgrađen sistem javne odvodnje otpadnih voda ne mogu se priključiti na javni sistem snabdijevanja pitkom vodom ukoliko nemaju izgrađenu sabirnu (septičku) jamu u skladu sa odredbama ove Odluke.

Član 20.

(Izgradnja sabirnih jama prilikom izgradnje poslovnih i drugih građevina)

Prilikom izgradnje poslovnih, proizvodnih, ugostiteljskih, zdravstvenih, turističkih i drugih objekata na područjima na kojima ne postoji izgrađen sistem javne odvodnje otpadnih voda, izgradnja sabirne (septičke) jame dozvoljena je samo uz prethodno pribavljen vodni akt od strane organa nadležnog za vode, u skladu sa odredbama federalnog Zakona o vodama i odredbama ove Odluke.

Član 21.

(Kvalitet otpadne vode koja se
upušta u sabirne jame)

Korisnik, odnosno vlasnik sabirne (septičke) jame dužan je otpadne vode koje upušta u sabirnu (septičku) jamu svesti na kvalitet vode utvrđenu prema važećim propisima, vodnim uslovima i aktima davaoca usluge, odnosno do određenog standarda otpadnih voda koji neće imati negativan uticaj na kvalitet okoliša i život i zdravlje ljudi.

Industrijske tehnološke i druge otpadne vode koje su agresivne, toksične ili su zagađene patogenim klicama, virusima i radioaktivne, mogu se upuštati u sabirne (septičke) jame samo ako su prethodno prečišćene i neutralizirane putem posebnih uređaja za prečišćavanje, do stepena propisanog važećim propisima, a u skladu sa odredbama ove Odluke.

Član 22.

(Pražnjenje sabirnih jama)

Pražnjenje i čišćenje sabirnih (septičkih) jama vrši se zavisno od veličine sabirne jame, a najmanje četiri puta godišnje (svaka tri mjeseca).

Pražnjenje sabirnih (septičkih) jama na području općine vrši ovlašteni operater.

Pražnjenje posebnih vozila davalac usluge vrši na određeno mjesto sistema javne odvodnje otpadnih voda, odnosno na postrojenju za prečišćavanje otpadnih voda kada isto bude izgrađeno i u funkciji.

Odnosi između korisnika usluge – vlasnika, odnosno korisnika sabirne (septičke) jame vezano za pražnjenje, održavanje (čišćenje) sabirne jame regulišu se ugovorom u skladu sa odredbama člana 14. Zakona o komunalnim djelatnostima Zeničko-dobojskog kantona.

Član 23.

(Obaveza priključenja na sistem
javne odvodnje otpadnih voda)

Nakon izgradnje sistema javne odvodnje otpadnih voda, vlasnik odnosno korisnik sabirne (septičke) jame dužan je izgraditi priključak prema uslovima koje odredi davalac usluge i priključiti se na sistem javne odvodnje otpadnih voda u roku od tri mjeseca od završetka izgradnje tog sistema.

Nakon priključenja unutarnjeg sistema otpadnih voda na sistem javne odvodnje otpadnih voda, vlasnik odnosno korisnik sabirne (septičke) jame dužan je sve dosadašnje instalacije i uređaje, uključujući i sabirnu (septičku) jamu, koji se više neće koristiti, očistiti i odstraniti ili sanirati.

Član 24.

(Evidencija sabirnih – septičkih jama)

Davalac usluge je dužan voditi evidenciju vlasnika odnosno korisnika sabirnih (septičkih) jama i evidenciju pražnjenja istih.

Davalac usluge je dužan izraditi program pražnjenja i čišćenja sabirnih (septičkih) jama, vodeći računa o broju sabirnih (septičkih) jama, njihovoj veličini i udaljenosti istih od mjesta ispuštanja sadržaja sabirnih (septičkih) jama u sistem javne odvodnje otpadnih voda.

Član 25.

(Lokalni sistemi odvodnje
otpadnih voda)

Lokalni sistemi odvodnje otpadnih voda iz člana 18. stav 2. ove Odluke izgrađuju se u skladu

sa odredbama ove Odluke koje se odnose na izgradnju sistema javne odvodnje otpadnih voda.

Vlasnik odnosno korisnik lokalnog sistema odvodnje otpadnih voda dužan je isti održavati u ispravnom, odnosno funkcionalnom stanju, do predaje sistema na upravljanje i održavanje davaocu usluge.

IV IZGRADNJA OBJEKATA I UREĐAJA SISTEMA ODVODNJE I PREČIŠĆAVANJA OTPADNIH VODA

Član 26.

(Izgradnja objekata i uređaja sistema odvodnje
i prečišćavanja otpadnih voda)

Izgradnja nove i rekonstrukcija postojeće kanalizacione mreže i drugih objekata i uređaja sistema odvodnje i prečišćavanja otpadnih voda vrši se u skladu sa zakonskim propisima iz oblasti prostornog uređenja i građenja, voda, zaštite okoliša i komunalnih djelatnosti i podzakonskim propisima donesenim na osnovu tih zakonskih propisa.

Osnov za planiranje izgradnje i izradu investiciono – tehničke dokumentacije za izgradnju objekata i uređaja sistema odvodnje i prečišćavanje otpadnih voda su planski dokumenti iz oblasti prostornog uređenja (prostorni plan općine, urbanistički plan grada, regulacioni plan, urbanistički projekt, zoning plan).

Član 27.

(Općina kao investitor izgradnje
objekata i uređaja sistema javne
odvodnje otpadnih voda)

Investitor izgradnje novih objekata i uređaja sistema javne odvodnje i prečišćavanja otpadnih voda na području općine je Općina, odnosno pravno lice kojem je Općina povjerila obavljanje poslova uređenja gradskog građevinskog zemljišta i izgradnje objekata i uređaja komunalne infrastrukture, ukoliko se ta izgradnja finansira iz sredstava Budžeta općine, odnosno naknada koje se uplaćuju u Budžet općine na osnovu zakonskih propisa iz oblasti prostornog uređenja i građenja i građevinskog zemljišta.

Član 28.

(Davalac usluge kao investitor
objekata i uređaja odvodnje
otpadnih voda)

Za izgradnju novih i rekonstrukciju postojećih objekata sistema javne odvodnje i prečišćavanje otpadnih voda koji se finansiraju sredstvima davaoca usluge, investitor je sam davalac usluge.

Član 29.

(Investitor lokalnog sistema
odvodnje otpadnih voda)

Investitor objekata i uređaja lokalnog sistema odvodnje otpadnih voda, na područjima na kojima ne postoji izgrađen sistem javne odvodnje i prečišćavanja otpadnih voda, je budući korisnik usluge toga sistema, ukoliko se izgradnja finansira njegovim sredstvima.

Ukoliko se izgradnja objekata i uređaja lokalnog sistema odvodnje otpadnih voda finansira sredstvima Budžeta općine i sredstvima naknada koja se uplaćuju na Budžet općine, investitor je pravno lice kojem je Općina povjerila obavljanje poslova uređenja gradskog građevinskog zemljišta i izgradnje objekata i uređaja komunalne infrastrukture.

Član 30.

(Investitor izgradnje sabirnih
(septičkih) jama)

Investitor izgradnje sabirnih (septičkih) jama na područjima na kojima ne postoji izgrađen sistem javne odvodnje otpadnih voda je vlasnik građevine iz čijeg se unutarnjeg sistema odvodnje otpadnih voda otpadna voda upušta u sabirnu (septičku) jamu.

Član 31.

(Predaja na upravljanje, korištenje i održavanje izgrađenih
objekata uređaja sistema odvodnje i prečišćavanja otpadnih
voda)

Izgrađenu kanalizacionu mrežu i druge objekte i uređaje sistema odvodnje i prečišćavanja otpadnih voda, investitori iz člana 28. i člana 30. ove Odluke dužni su predati na upravljanje, korištenje i održavanje davaocu usluge, zajedno sa svom investiciono – tehničkom dokumentacijom, odobrenjem za građenje i odobrenjem za upotrebu, u roku od šest mjeseci od dana završetka izgradnje, odnosno dobijanja odobrenja za upotrebu.

Predaja na upravljanje, korištenje i održavanje davaocu usluge kanalizacione mreže i drugih objekata i uređaja lokalnih sistema odvodnje otpadnih voda koji su izgrađeni prije stupanja na snagu ove Odluke izvršiće se u roku od jedne godine od dana stupanja na snagu ove Odluke.

V KORIŠTENJE, ODRŽAVANJE I UPRAVLJANJE IZGRAĐENIH A NEDOVRŠENIH SISTEMIMA ZA ODVODNJU OTPADNIH VODA**Član 32.**

(Vlasništvo nad izgrađenim a nedovršenim sistema za odvodnju
otpadnih voda)

Izgrađeni a ne dovršeni sistemi odvodnje otpadnih voda (u daljem tekstu: sistemi odvodnje) u vlasništvu su fizičkih i pravnih lica koja su ih izgradila za svoje potrebe. Ukoliko je izgradnju financiralo više lica sopstvenim sredstvima svi oni se smatraju suvlasnicima sistema odvodnje. Suvlasnici imaju pravo svojine svaki prema svom udjelu srazmjerno cjelini, a ako suvlasnički dijelovi nisu određeni, pretpostavlja se da su jednaki.

Vlasnici sistema odvodnje dužni su zaključiti ugovor kojim će međusobno regulisati sva pitanja koja se odnose na dalju izgradnju, korištenje, održavanje i upravljanje sistemom odvodnje.

Član 33.

(Korištenje izgrađenih a nedovršenih sistema za odvodnju
otpadnih voda)

Vlasnici sistema odvodnje dužni su isti koristiti u skladu sa njegovom prirodom i namjenom. Licima koja nisu učestvovala u dosadašnjoj izgradnji sistema odvodnje može se odobriti priključak, ukoliko sistem po svojim fizičkim osobinama može podmiriti potrebe novog priključka. Lice kome je odobreno priključenje na sistem odvodnje dužno je prije priključenja zaključiti ugovor sa postojećim vlasnicima sistema odvodnje, kojim se reguliše plaćanje srazmjernog dijela troškova izgradnje i održavanja, koji ne može biti veći od učešća svakog pojedinačnog investitora.

Svi korisnici sistema odvodnje dužni su da plaćaju naknadu za ispuštanje otpadnih voda. Odluku o načinu određivanja naknade i visini naknade donose vlasnici sistema odvodnje.

Član 34.

(Održavanje izgrađenih a nedovršenih sistema za odvodnju
otpadnih voda)

Vlasnici sistema odvodnje dužni su održavati sistem odvodnje u funkcionalnom stanju.

Održavanje podrazumijeva redovan pregled, popravku pojedinih dijelova, ili remont pojedinih dijelova.

Održavanje sistema odvodnje se vrši putem Odbora za izgradnju i održavanje sistema odvodnje kojeg imenuje Savjet mjesne zajednice na prijedlog podružnice ili naseljenog mjesta na kojem je sagrađen sistem odvodnje.

Član 35.

(Finansiranje izgrađenih a nedovršenih sistema za odvodnju
otpadnih voda)

Finansiranje održavanja sistema odvodnje se vrši iz Fonda za održavanje sistema odvodnje. Fond za održavanje sistema odvodnje osniva Savjet mjesne zajednice na kojoj se nalazi sistem odvodnje. Sredstva Fonda za održavanje obezbjeđuju se iz naknada koju plaćaju korisnici sistema odvodnje, i to: jednokratna naknada za osnivanje Fonda za održavanje koju moraju uplatiti svi korisnici koji su priključeni na sistem odvodnje i mjesečne naknade za korištenje sistema.

Odluku o visini jednokratne naknade za osnivanje Fonda za održavanje kao i visinu mjesečne naknade za korištenje sistema donosi Savjet mjesne zajednice na prijedlog Odbora za izgradnju i održavanje sistema odvodnje.

Jednokratnu naknadu za osnivanje početnog fonda korisnici su obavezni uplatiti u roku od trideset dana od dana donošenja odluke o visini naknade i obavezi plaćanja iste.

Mjesečnu naknadu za korištenje sistema korisnici su obavezni plaćati do desetog tekućeg mjeseca za prethodni mjesec.

Naplatu sredstava vrši lice koje odredi Odbor za izgradnju i održavanje sistema odvodnje.

Prikupljena sredstva se čuvaju na računu mjesne zajednice i ista se mogu trošiti samo za izgradnju i održavanje sistema odvodnje.

Član 36.

(Rokovi)

Izgrađeni a nedovršeni sistemi odvodnje moraju se završiti u skladu sa propisima o građenju.

Krajnji rok za izgradnju sistema odvodnje je pet godina od dana stupanja na snagu ove Odluke.

Evidenciju izgrađenih, a ne dovršenih sistema odvodnje uspostaviti će Služba za privredu u roku od 30 dana od dana stupanja na snagu ove Odluke.

Odbor za održavanje sistema odvodnje imenovat će se u roku od 30 dana od dana stupanja na snagu ove Odluke.

Ugovor iz člana 32. stav 3. ove Odluke vlasnici će zaključiti u roku od 60 dana od dana stupanja na snagu Ove Odluke, u protivnom će se postupiti u skladu sa članom 59. Ove odluke.

Odluku o obavezi plaćanja korištenja sistema odvodnje i visini naknada iz člana 35. donijet će se u roku od 60 dana od dana stupanja na snagu ove Odluke.

VI UPRAVLJANJE, KORIŠTENJE, ODRŽAVANJE I MJERE ZAŠTITE OBJEKATA I UREĐAJA SISTEMA JAVNE ODVODNJE I PREČIŠĆAVANJA OTPADNIH VODA

Član 37.

(Propisi kojih se mora pridržavati
davalac usluge)

U upravljanju i korištenju objekata i uređaja sistema javne odvodnje i prečišćavanja otpadnih voda, davalac usluge dužan je pridržavati se odredaba Zakona o vodama, Zakona o komunalnim djelatnostima i odredaba ove Odluke.

Član 38.

(Obaveza nosioca usluge u održavanju objekata i uređaja sistema javne odvodnje i prečišćavanja otpadnih voda)

Davalac usluge je dužan održavati sistem javne odvodnje i prečišćavanja otpadnih voda, odnosno objekte i uređaje tog sistema, u ispravnom i funkcionalnom stanju koji obezbjeđuje redovnu odvodnju otpadnih voda od sistema unutarnje odvodnje otpadnih voda građevina korisnika usluge do recipijenta otpadnih voda.

Član 39.

(Sredstva za održavanje objekata i uređaja sistema javne odvodnje i prečišćavanja otpadnih voda)

Sredstva za finansiranje obavljanja komunalne djelatnosti odvodnje i prečišćavanja otpadnih voda, uključujući i sredstva za održavanje objekata, uređaja, postrojenja i opreme tog sistema, obezbjeđuje davalac usluge iz sredstava naknade za pružanje odnosno korištenje usluge odvodnje i prečišćavanja otpadnih voda, koju plaćaju korisnici usluge.

Član 40.

(Mjere zaštite sistema odvodnje i prečišćavanja otpadnih voda)

Davalac usluge je dužan obezbijediti odgovarajuće mjere zaštite na objektima i uređajima sistema javne odvodnje i prečišćavanja otpadnih voda u cilju njihove ispravnosti i funkcionalnosti i obezbjeđenja propisnog kvaliteta otpadne vode koja se ispušta u recipijent, u skladu sa odgovarajućim zakonskim i tehničkim propisima i standardima.

VII PRIKLJUČENJE GRAĐEVINA KORISNIKA USLUGE NA OBJEKTE I UREĐAJE SISTEMA JAVNE ODVODNJE I PREČIŠĆAVANJA OTPADNIH VODA**Član 41.**

(Obaveza priključenja građevina na objekte i uređaje sistema javne odvodnje i prečišćavanja otpadnih voda)

Svaka građevina za čiju izgradnju vlasnik građevine posjeduje odobrenje za građenje i koja je priključena na sistem snabdijevanja pitkom vodom, a nalazi se u ulici u kojoj je izgrađena kanalizaciona mreža sistema javne odvodnje i prečišćavanja otpadnih voda, mora se priključiti na tu mrežu.

Izuzetno od odredaba stava 1. ovog člana, na kanalizacionu mrežu sistema javne odvodnje i prečišćavanja otpadnih voda može se priključiti i građevina koja nije izgrađena na osnovu odobrenja za građenje, ali za koju vlasnik građevine posjeduje odgovarajuće uvjerenje općinskog organa uprave nadležnog za poslove građenja, da za takvu građevinu odobrenje za građenje nije potrebno.

Član 42.

(Građevine koje se ne mogu priključiti na objekte i uređaje sistema javne odvodnje i prečišćavanja otpadnih voda)

Građevine kod kojih unutarnji sistem odvodnje otpadnih voda nije izgrađen u skladu sa propisima koji regulišu oblast odvodnje i prečišćavanja otpadnih voda, odnosno sa propisima koji regulišu izgradnju građevina, ne mogu se priključiti na javni sistem odvodnje i prečišćavanja otpadnih voda.

Član 43.

(Posebna odluka o priključenju građevina na sistem javne odvodnje i prečišćavanja otpadnih voda)

Uslovi, način i postupak priključenja građevina korisnika usluge na kanalizacionu mrežu (objekte i uređaje) sistema javne odvodnje i prečišćavanja otpadnih voda utvrdiće se posebnom odlukom davaoca usluge o priključenju građevina na objekte i uređaje komunalne infrastrukture, u skladu sa odredbama Zakona o komunalnim djelatnostima Zeničko-dobojskog kantona.

VIII USLOVI I NAČIN PRUŽANJA ODNOSNO KORIŠTENJA USLUGE ODVODNJE I PREČIŠĆAVANJA OTPADNIH VODA KORISNIKU USLUGE**Član 44.**

(Obaveznost korištenja usluge odvodnje i prečišćavanja otpadnih voda)

Korištenje komunalne usluge odvodnje i prečišćavanja otpadnih voda obavezno je za sva fizička i pravna lica vlasnika građevina na području općine, u skladu sa odredbama člana 35. Zakona o komunalnim djelatnostima.

Član 45.

(Poseban priključak na kanalizacionu mrežu sistema javne odvodnje i prečišćavanja otpadnih voda)

Svaka građevina koja se priključuje na kanalizacionu mrežu sistema javne odvodnje i prečišćavanja otpadnih voda mora imati poseban priključak, uključujući i kontrolno okno. Izuzetno od odredaba stava 1. ovog člana, kada za to postoje opravdani tehnički razlozi, davalac usluge može putem jednog priključka priključiti više građevina na kanalizacionu mrežu sistema javne odvodnje i prečišćavanja otpadnih voda.

Član 46.

(Ispravnost unutarnjeg sistema odvodnje otpadnih voda)

Instalacije i uređaji unutarnjeg sistema odvodnje otpadnih voda građevine koja se priključuje na kanalizacionu mrežu sistema javne odvodnje i prečišćavanja otpadnih voda moraju biti izgrađeni u skladu sa važećim tehničkim propisima, standardima i normativima.

Član 47.

(Obaveza održavanja unutarnjeg sistema odvodnje otpadnih voda)

Korisnik usluge, vlasnik građevine koja je priključena na kanalizacionu mrežu sistema javne odvodnje i prečišćavanja otpadnih voda, dužan je instalacije i uređaje unutarnjeg sistema odvodnje otpadnih voda održavati u ispravnom i funkcionalnom stanju, koje obezbjeđuje redovnu i nesmetanu odvodnju unutarnjih otpadnih voda u sistem javne odvodnje i prečišćavanja otpadnih voda.

Član 48.

(Naknada za korištenje usluge odvodnje i prečišćavanja otpadnih voda)

Za korištenje usluge odvodnje i prečišćavanja otpadnih voda putem objekata i uređaja sistema javne odvodnje i prečišćavanja otpadnih voda korisnik plaća naknadu davaocu usluge.

Količina otpadne vode koja se upušta u sistem javne odvodnje i prečišćavanja otpadnih voda utvrđuje se na osnovu potrošnje pitke vode, čija se količina utvrđuje mjernim uređajem za isporučenu pitku vodu.

Član 49.

(Pravilnik o pružanju odnosno korištenju usluge odvodnje prečišćavanja otpadnih voda)

Davalac usluge će donijeti pravilnik o uslovima i načinu pružanja odnosno korištenja usluge odvodnje i prečišćavanja otpadnih voda putem sistema javne odvodnje i prečišćavanja otpadnih voda.

IX MEĐUSOBNI ODNOSI DAVAOCA I KORISNIKA USLUGE ODVODNJE I PREČIŠĆAVANJA OTPADNIH VODA

Član 50.

(Ugovor o pružanju odnosno korištenju komunalne usluge)

Davalac i korisnik usluge odvodnje i prečišćavanja otpadnih voda dužni su zaključiti ugovor o pružanju odnosno korištenju komunalne usluge odvodnje i prečišćavanja otpadnih voda, kojim se regulišu prava, obaveze i odgovornosti davaoca i korisnika usluge, u skladu sa odredbama člana 14. Zakona o komunalnim djelatnostima.

Član 51.

(Sadržaj ugovora)

Ugovorom iz člana 50. ove Odluke reguliše se naročito:

- a) identifikacioni podaci o davaocu i korisniku usluge,
- b) predmet ugovora,
- c) način pružanja usluge od strane davaoca usluge,
- d) način obračuna, fakturisanja i plaćanja naknade za pruženu uslugu,
- e) obaveze davaoca usluge,
- f) obaveze korisnika usluge,
- g) razlozi za uskraćivanje usluge,
- h) razlozi za otkazivanje usluge,
- i) primjena zakonskih i podzakonskih propisa u pružanju i korištenju usluge,
- j) nadzor u provođenju odredaba ugovora,
- k) način rješavanja sporova.

Član 52.

(Obaveze davaoca usluge)

Obaveze davaoca usluge u pružanju komunalne usluge odvodnje i prečišćavanja otpadnih voda korisniku usluge su naročito:

- a) obezbjeđenje usluge odvodnje i prečišćavanja otpadnih voda, bez prekida i u skladu sa važećim propisima,
- b) redovno i kvalitetno održavanje sistema odvodnje i prečišćavanja otpadnih voda od kontrolnog okna korisnika usluge do upuštanja otpadnih voda u recipijent,
- c) u najkraćem roku obavijestiti korisnika usluge o prekidu pružanja usluge, osim u slučajevima kada se prekid pružanja usluge nije mogao predvidjeti ili odmah otkloniti,

- d) očitavanje mjernih uređaja za isporučenu pitku vodu, koja je osnov za obračun naknade za pruženu uslugu odvodnje i prečišćavanja otpadnih voda, u prisustvu korisnika usluge,
- e) po potrebi, hitno otklanjanje kvarova na unutarnjem sistemu odvodnje otpadnih voda korisnika usluge, o trošku korisnika usluge,
- f) hitno postupanje po reklamaciji korisnika usluge,
- g) obavještanje korisnika usluge o preduzetim mjerama po reklamaciji korisnika usluge u roku od 24 sata po izvršenoj provjeri, odnosno uklanjanju razloga reklamacije,
- h) upoznavanje korisnika usluge o načinu obračuna, fakturisanja i plaćanja naknade za pruženu uslugu odvodnje i prečišćavanja otpadnih voda.

Član 53.

(Obaveze korisnika usluge)

Obaveze korisnika usluge u korištenju komunalne usluge odvodnje i prečišćavanja otpadnih voda su naročito:

- a) održavanje instalacija i uređaja unutarnjeg sistema odvodnje i prečišćavanja otpadnih voda u ispravnom stanju,
- b) omogućavanje predstavniku davaoca usluge pregled instalacija i uređaja unutarnjeg sistema odvodnje i prečišćavanja otpadnih voda u svakom trenutku, uz prethodnu obavijest od strane davaoca usluge,
- c) blagovremeno obavijestiti davaoca usluge o eventualnoj promjeni u identifikacionim podacima,
- d) blagovremeno obavijestiti davaoca usluge o prekidu korištenja usluge zbog preseljenja, odnosno prestanka korištenja stambenog, poslovnog ili drugog prostora,
- e) plaćati naknadu za pruženu uslugu u roku od 15 dana od dana prijema računa,
- f) eventualno reklamirati iznos računa za pruženu uslugu u roku od 8 dana od dana prijema računa.

Član 54.

(Ostali elementi ugovora)

Ostali elementi ugovora iz člana 50. ove Odluke bliže se regulišu u skladu sa odredbama Zakona o komunalnim djelatnostima i odredbama ove Odluke.

Član 55.

(Dostava akata uz ugovor)

Davalac usluge je dužan korisniku usluge uz ugovor dostaviti ovu Odluku i Pravilnik iz člana 49. ove Odluke.

Član 56.

(Važnost ugovora)

Ugovor o pružanju odnosno korištenju komunalne usluge odvodnje i prečišćavanja otpadnih voda iz člana 50. ove Odluke zaključuje se na neodređeno vrijeme.

Smatra se da je ugovor zaključen i u slučaju kada ga korisnik nije potpisao, a davalac usluge kontinuirano i bez prekida vrši uslugu odvodnje i prečišćavanja otpadnih voda iz građevine korisnika usluge.

Korisnik usluge može otkazati ugovor o pružanju odnosno korištenju usluge samo u slučaju prestanka korištenja stambenog, poslovnog ili drugog prostora i prestanka korištenja komunalne usluge snabdijevanja pitkom vodom, uz otkazni rok od 30 dana.

Korisnik usluge ne može otkazati ugovor o pružanju odnosno korištenju usluge odvodnje i prečišćavanja otpadnih voda ukoliko koristi uslugu snabdijevanja pitkom vodom.

Član 57.

(Obaveza vlasnika sabirnih – septičkih jama)

Vlasnik, odnosno korisnik sabirne (septičke) jame na područjima općine na kojima ne postoji izgrađen sistem javne odvodnje i prečišćavanja otpadnih voda dužan je također zaključiti ugovor sa davaocem usluge, u skladu sa odredbama člana 23. ove Odluke.

Član 58.

(Obaveza korisnika usluge lokalnih sistema odvodnje otpadnih voda)

Ugovor sa davaocem usluge dužan je zaključiti i korisnik usluge odvodnje otpadnih voda lokalnim sistemom odvodnje otpadnih voda na područjima općine na kojima ne postoji sistem javne odvodnje i prečišćavanja otpadnih voda, ako je lokalni sistem predat na upravljanje i održavanje davaocu usluge.

X USKRAĆIVANJE KOMUNALNE USLUGE ODVODNJE I PREČIŠĆAVANJA OTPADNIH VODA

Član 59.

(Razlozi za uskraćivanje usluge odvodnje i prečišćavanja otpadnih voda)

Davalac usluge odvodnje i prečišćavanja otpadnih voda može korisniku usluge uskratiti, odnosno obustaviti pružanje usluge u slijedećim slučajevima:

- a) ako korisnik usluge izvrši priključenje na sistem javne odvodnje i prečišćavanja otpadnih voda bez prethodno pribavljenog odobrenja nadležnog općinskog organa uprave, odnosno davaoca usluge,
- b) ako korisnik usluge uslugu koristi protivno propisima, odnosno odredbama ugovora o pružanju odnosno korištenju usluge odvodnje i prečišćavanja otpadnih voda,
- c) ako korisnik usluge ne plati naknadu za korištenje usluge odvodnje i prečišćavanja otpadnih voda tri mjeseca uzastopno ili odbije da primi račun za pruženu uslugu ili vrati račun davaocu usluge bez obrazloženog i opravdanog razloga,
- d) ako korisnik usluge, bez saglasnosti davaoca usluge, vrši radove na priključku odnosno kanalizacionoj mreži izvan kontrolnog okna,
- e) ako korisnik usluge onemogućiti predstavniku davaoca usluge pregled instalacija i uređaja unutarnjeg sistema odvodnje i prečišćavanja otpadnih voda,
- f) ako se korisnik usluge, koji je bio isključen sa sistema javne odvodnje i prečišćavanja otpadnih voda, sam ponovo priključi, bez znanja odnosno saglasnosti davaoca usluge.

U slučaju iz stava 1. ovog člana korisnik usluge isključi će se i sa javnog sistema snabdijevanja pitkom vodom, u skladu sa odredbama Zakona o vodama.

Davalac usluge može uskratiti, odnosno obustaviti pružanje usluge odvodnje i prečišćavanja otpadnih voda u slučajevima iz stava 1. ovog člana samo pod uslovom da to dozvoljavaju tehničke mogućnosti i da se time ne ugrožavaju drugi korisnici usluge odvodnje i prečišćavanja otpadnih voda.

Po prestanku razloga za uskraćivanje, odnosno obustavljanje pružanja usluge odvodnje i prečišćavanja otpadnih voda, davalac usluge je dužan da, na zahtjev korisnika usluge, u roku od tri dana od dana podnošenja zahtjeva, omogućiti korisniku usluge ponovno korištenje usluge odvodnje i prečišćavanja otpadnih voda.

Troškovi ponovnog priključenja građevine korisnika usluge na kanalizacionu mrežu sistema

javne odvodnje i prečišćavanja otpadnih voda snosi korisnik usluge.

XI NAČIN UTVRĐIVANJA, OBRAČUNA I PLAĆANJA NAKNADE ZA PRUŽANJE USLUGE ODVODNJE I PREČIŠĆAVANJA OTPADNIH VODA

Član 60.

(Utvrdjivanje naknade za pruženu uslugu odvodnje i prečišćavanja otpadnih voda)

Jedinica mjere i način formiranja naknade za pruženu uslugu odvodnje i prečišćavanja otpadnih voda utvrđuje se odredbama općinske odluke o načinu formiranja cijena komunalnih proizvoda i usluga individualne komunalne potrošnje, donesenoj u skladu sa odredbama članom 19. Zakona o komunalnim djelatnostima.

U skladu sa odredbama općinske odluke iz stava 1. ovog člana visinu naknade za pruženu uslugu odvodnje i prečišćavanja otpadnih voda utvrđuje davalac usluge.

Visina naknade za pruženu uslugu odvodnje i prečišćavanja otpadnih voda koju utvrdi davalac usluge ne može se primjenjivati bez prethodne saglasnosti općinskog vijeća.

Član 61.

(Jedinica mjere za pruženu uslugu odvodnje i prečišćavanja otpadnih voda)

Količina otpadne vode upuštene u kanalizacionu mrežu sistema javne odvodnje i prečišćavanja otpadnih voda izražava se u kubnim metrima, a utvrđuje se na osnovu utrošene, odnosno isporučene pitke vode korisniku usluge iz javnog sistema snabdijevanja pitkom vodom, očitanoj na mjernom uređaju korisnika usluge.

Ukoliko korisnik usluge u procesu proizvodnje koristi i vodu iz izvora izvan javnog sistema snabdijevanja pitkom vodom, količina te otpadne vode utvrđuje se posebnim mjernim uređajem, postavljenom na priključku sa javnim sistemom odvodnje otpadnih voda.

Član 62.

(Utvrdjivanje količina ispuštene otpadne vode u stambenim objektima sa više stambenih jedinica i drugim objektima sa više funkcionalnih cjelina)

Količina otpadne vode upuštene u kanalizacionu mrežu sistema javne odvodnje otpadnih voda za korisnike usluge u objektima kolektivnog stanovanja sa više stambenih jedinica i drugim objektima sa više funkcionalnih cjelina utvrđuje se na osnovu utroška pitke vode iz javnog sistema snabdijevanja pitkom vodom tih korisnika usluge.

Član 63.

(Struktura naknade za pruženu uslugu)

Do izgradnje postrojenja za prečišćavanje otpadnih voda naknada za pruženu uslugu odvodnje i prečišćavanja otpadnih voda sadrži samo naknadu za odvodnju otpadnih voda.

Nakon izgradnje i početka korištenja postrojenja za prečišćavanje otpadnih voda naknada za pruženu uslugu odvodnje i prečišćavanja otpadnih voda sadržavaće i dio naknade koja se odnosi na prečišćavanje otpadnih voda.

Pored naknade za pruženu uslugu odvodnje i prečišćavanja otpadnih voda, korisnici usluge plaćaju i naknadu za održavanje objekata i uređaja sistema javne odvodnje i prečišćavanja otpadnih voda.

Član 64.

(Fakturisanje i plaćanje usluge odvodnje i prečišćavanja otpadnih voda)

Račun za pruženu uslugu odvodnje i prečišćavanja otpadnih voda davalac usluge ispostavlja korisniku usluge jedanput mjesečno za protekli mjesec.

Rok za plaćanje računa je 15 dana od dana prijema istog i mora biti naznačen na svakom ispostavljenom računu.

Račun za pruženu uslugu sadrži obavezno podatke o davaocu usluge, podatke o korisniku usluge, broj članova domaćinstva stambene jedinice, broj korisnika druge jedinice, način obračuna naknade i visinu naknade po obračunskoj jedinici.

Na iznos ispostavljenog računa i obračun naknade za pruženu uslugu korisnik usluge ima pravo prigovora u roku od osam dana od dana dostave računa, u protivnom se smatra da su obračun i iznos naknade ispravni.

Davalac usluge je dužan na prigovor korisnika usluge odgovoriti u roku od osam dana od dana dostave prigovora.

Ako je davalac usluge uvažio prigovor, dužan je korisniku usluge ispostaviti novi ispravan račun i izvršiti usklađivanje obračuna u svojim poslovnim knjigama.

Član 65.

(Izmjena visine naknade za pruženu uslugu)

U slučaju izmjene visine naknade za pruženu uslugu odvodnje i prečišćavanja otpadnih voda, davalac usluge je dužan blagovremeno obavijestiti korisnike usluge putem pojedinačnih obavijesti priloženih uz račune sa novim iznosima naknade.

Član 66.

(Vlasnici sabirnih – septičkih jama i korisnici usluge lokalnih sistema odvodnje otpadnih voda)

Odredbe ove Odluke o utvrđivanju, obračunu i plaćanju naknade za odvodnju i prečišćavanje otpadnih voda analogno se primjenjuju na korisnike usluge vlasnike sabirnih (septičkih) jama i korisnike usluge odvodnje otpadnih voda putem lokalnih sistema odvodnje otpadnih voda na područjima općine na kojima ne postoji izgrađen sistem javne odvodnje i prečišćavanja otpadnih voda.

XII NAČIN POSTUPANJA I OVLAŠTENJA OPĆINE U OBAVLJANJU DJELATNOSTI ODVODNJE I PREČIŠĆAVANJA OTPADNIH VODA

Član 67.

(Obezbjedenje uslova za obavljanje djelatnosti)

Općina obezbjeđuje uslove za obavljanje komunalne djelatnosti odvodnje i prečišćavanja otpadnih voda na cijelom području općine, po načelima održivog razvoja.

Član 68.

(Praćenje stanja u djelatnosti)

Putem organa uprave nadležnog za komunalne poslove, Općina kontinuirano prati stanje u obavljanju komunalne djelatnosti odvodnje i prečišćavanja otpadnih voda na području općine. U praćenju stanja u obavljanju komunalne djelatnosti odvodnje i prečišćavanja otpadnih voda, općinski organ uprave nadležan za komunalne poslove prvenstveno prati davaoca usluge odvodnje i prečišćavanja otpadnih voda u izvršavanju zakona i drugih propisa u obavljanju djelatnosti i načinu i kvalitetu pružanja usluge korisnicima usluge.

Kada općinski organ uprave nadležan za komunalne poslove utvrdi, odnosno ocijeni da se u djelatnosti odvodnje i prečišćavanja otpadnih voda ne izvršavaju zakonski i drugi propisi od strane davaoca usluge, dužan je odmah preduzeti konkretne mjere za koje je ovlašten, odnosno općinskom načelniku i općinskom vijeću predložiti preduzimanje odgovarajućih hitnih mjera iz njihove nadležnosti za rješavanje prisutnih problema u obavljanju komunalne

djelatnosti odvodnje i prečišćavanja otpadnih voda, u skladu sa zakonom.

Član 69.

(Preduzimanje mjera od strane nadležnog
općinskog organa uprave)

U slučaju nastupanja neočekivanih poremećaja ili prekida u obavljanju komunalne djelatnosti odvodnje i prečišćavanja otpadnih voda, odnosno u pružanju usluge korisnicima usluge, općinski organ uprave nadležan za komunalne poslove je dužan, čim primi obavijest, odnosno utvrdi da je došlo do poremećaja odnosno prekida u obavljanju djelatnosti, da bez odlaganja preduzme slijedeće mjere i aktivnosti:

- a) utvrdi da li je davalac usluge preduzeo sve potrebne i adekvatne mjere, koje bi omogućile nastavak obavljanja djelatnosti odvodnje i prečišćavanja otpadnih voda i redovno pružanje usluge korisnicima usluge,
- b) preko davaoca usluge, a po potrebi i drugih lica, preduzme mjere za otklanjanje nastalih posljedica, kao i druge mjere za nesmetano obavljanje djelatnosti odvodnje i prečišćavanja otpadnih voda i kontinuirano pružanje usluge korisnicima usluge,
- c) naredi davaocu usluge da preduzme hitne mjere za zaštitu objekata i uređaja sistema javne odvodnje i prečišćavanja otpadnih voda, kao i druge imovine koja je ugrožena,
- d) utvrdi razloge i eventualnu odgovornost za poremećaj, odnosno prekid u obavljanju djelatnosti i nastalu štetu, te preduzme odgovarajuće mjere protiv odgovornih lica, uključujući i naknadu štete.

Član 70.

(Usklađivanje općinske odluke o osnivanju javnog
komunalnog preduzeća – davaoca usluge)

U roku od šest mjeseci od dana stupanja na snagu ove Odluke, Općina će izvršiti usklađivanje općinske odluke o osnivanju javnog komunalnog preduzeća iz člana 5. ove Odluke (davaoca usluge) sa odredbama Zakona o komunalnim djelatnostima, koje regulišu osnivanje, organizovanje, povjeravanje obavljanja komunalne djelatnosti i način obavljanja komunalnih djelatnosti od strane javnog komunalnog preduzeća, čiji je osnivač Općina.

XIII NADZOR

Član 71.

(Upravni nadzor)

Upravni nadzor nad provođenjem odredaba ove Odluke vrši općinski organ uprave nadležan za komunalne poslove.

Član 72.

(Inspekcijski nadzor)

Inspekcijski nadzor nad provođenjem odredaba ove Odluke vrši općinski sanitarno-komunalni inspektor.

Općinskom sanitarno-komunalnom inspektoru u vršenju inspekcijskog nadzora nad provođenjem odredaba ove Odluke pomaže komunalno-ekološki kontrolor.

XIV KAZNE NE ODREDBE

Član 73.

(Prekršaji)

Novčanom kaznom od 500,00 KM do 10.000,00 KM kazniće se za prekršaj davalac usluge:

- a) ako u sistem javne odvodnje otpadnih voda dozvoli upuštanje otpadnih voda suprotno odredbama člana 8. ove Odluke,
- b) ako u sistem javne odvodnje otpadnih voda dozvoli upuštanje otpadnih voda suprotno odredbama člana 10. ove Odluke,
- c) ako se ne pridržava obaveza utvrđenih u članu 11. ove Odluke,
- d) ako u sistem javne odvodnje i prečišćavanja otpadnih voda dozvoli upuštanje tvari iz člana 12. ove Odluke,
- e) ako ne postupa u skladu sa odredbama člana 13. ove Odluke,
- f) ako u slučaju planiranog prekida u obavljanju djelatnosti ne postupi u skladu sa odredbama iz člana 14. ove Odluke,
- g) ako u slučaju neplaniranog prekida u obavljanju djelatnosti ne postupi u skladu sa odredbama iz člana 15. ove Odluke,
- h) ako se u obavljanju djelatnosti ne pridržava propisa iz člana 17. ove Odluke,
- i) ako pražnjenje i čišćenje sabirnih (septičkih) jama ne vrši u skladu sa odredbama člana 22. ove Odluke,
- j) ako ne vodi evidenciju sabirnih (septičkih) jama (član 24. stav 1.),
- k) ako ne izradi program pražnjenja i čišćenja sabirnih (septičkih) jama (član 24. stav 2.),
- l) ako se u upravljanju i korištenju objekata i uređaja sistema javne odvodnje i prečišćavanja otpadnih voda ne pridržava propisa iz člana 37. ove Odluke,
- m) ako sistem javne odvodnje i prečišćavanja otpadnih voda ne održava u ispravnom i funkcionalnom stanju (član 38.),
- n) ako ne obezbijedi odgovarajuće mjere zaštite na objektima i uređajima sistema javne odvodnje i prečišćavanja otpadnih voda (član 40.),
- o) ako odbije da priključi na sistem javne odvodnje i prečišćavanja otpadnih voda građevinu koja ispunjava uslove iz člana 41. ove Odluke,
- p) ako na sistem javne odvodnje i prečišćavanja otpadnih voda priključi građevinu suprotno odredbama člana 42. ove Odluke,
- q) ako priključi na kanalizacionu mrežu građevinu suprotno odredbama člana 45. ove Odluke,
- r) ako priključi na kanalizacionu mrežu građevinu suprotno odredbama člana 46. ove Odluke,
- s) ako se ne pridržava obaveza utvrđenih u članu 52. ove Odluke,
- t) ako uz ugovor korisniku usluge ne dostavi i akte iz člana 54. ove Odluke,
- u) ako u slučaju uskraćivanja usluge korisniku usluge ne postupi u skladu sa odredbama člana 59. ove Odluke,
- v) ako kod ispostavljanja računa za pruženu uslugu korisniku usluge ne postupi u skladu sa odredbama člana 64. ove Odluke,
- w) ako u slučaju izmjene visine naknade za pruženu uslugu blagovremeno ne obavijesti korisnika usluge o toj izmjeni (član 63.),

Za prekršaj iz stava (1) ovog člana kazniće se i odgovorno lice davaoca usluge novčanom kaznom od 50,00 KM do 5.000,00 KM.

Član 74.

(Prekršaji)

Novčanom kaznom od 500,00 KM do 10.000,00 KM kazniće se za prekršaj pravno lice kao korisnik usluge:

- a) ako u sistem javne odvodnje i prečišćavanja otpadnih voda upušta otpadne vode suprotno odredbama člana 9. ove Odluke,

- b) ako se ne pridržava obaveza utvrđenih u članu 10. ove Odluke,
- c) ako u sistem javne odvodnje i prečišćavanja otpadnih voda ispušta tvari iz člana 12. stav 1. ove Odluke,
- d) ako ne postupi u skladu sa obavezom utvrđenom članom 12. stav 2. ove Odluke,
- e) ako sabirnu (septičku) jamu izgradi suprotno odredbama člana 19. stav 1. i 2. ove Odluke,
- f) ako sabirnu (septičku) jamu izgradi bez vodnog akta iz člana 20. ove Odluke,
- g) ako u sabirnu (septičku) jamu upušta otpadne vode suprotno odredbama člana 21. ove Odluke,
- h) ako nakon izgradnje sistema javne odvodnje i prečišćavanja otpadnih voda ne postupi u skladu sa odredbama člana 23. ove Odluke,
- i) ako se ne priključi na kanalizacionu mrežu sistema javne odvodnje i prečišćavanja otpadnih voda (član 42.)
- j) ako unutarnji sistem odvodnje otpadnih voda ne održava u skladu sa odredbama člana 47. ove Odluke,
- k) ako ne izvršava obaveze iz člana 53. ove Odluke,
- l) ako kao vlasnik odnosno korisnik sabirne (septičke) jame ne zaključi ugovor sa davaocem usluge (član 57.),
- m) ako kao korisnik usluge lokalnog sistema odvodnje otpadnih voda ne zaključi ugovor sa davaocem usluge (član 58.),

Za prekršaj iz stava (1) ovog člana kazniće se i odgovorno lice pravnog lica korisnika usluge novčanom kaznom od 50,00 KM do 5.000,00 KM.

Za prekršaj iz stava (1) ovog člana kazniće se i fizičko lice kao korisnik usluge novčanom kaznom od 200,00 KM do 3.000,00 KM.

Član 75.

(Prekršaji)

Novčanom kaznom od 500,00 KM do 5000,00 KM kazniće se za prekršaj pravno lice vlasnik lokalnog sistema odvodnje otpadnih voda ako, do predaje lokalnog sistema na upravljanje i održavanje davaocu usluge, isti ne održava u skladu sa odredbama člana 25. stav 2. ove Odluke.

Za prekršaj iz stava 1. ovog člana kazniće se i odgovorno lice pravnog lica vlasnika lokalnog sistema odvodnje otpadnih voda novčanom kaznom od 100,00 KM do 1000,00 KM.

Za prekršaj iz stava 1. ovog člana kazniće se i fizičko lice vlasnik lokalnog sistema odvodnje otpadnih voda novčanom kaznom od 200,00 KM do 1000,00 KM.

Član 76.

(Prekršaji)

Novčanom kaznom od 500,00 KM do 10000,00 KM kazniće se za prekršaj pravno lice investitor objekta ili uređaja sistema javne odvodnje i prečišćavanja otpadnih voda ako, u roku od šest mjeseci od dana završetka objekta ili uređaja, davaocu usluge ne preda na upravljanje, korištenje i održavanje izgrađeni objekat ili uređaj (član 31.),

Za prekršaj iz stava 1. ovog člana kazniće se i odgovorno lice u pravnom licu investitoru novčanom kaznom od 200,00 KM do 1000,00 KM.

Član 77.

(Prekršaji)

Novčanom kaznom od 1000,00 KM do 2000,00 KM kazniće se za prekršaj općinski organ uprave:

- a) ako se u praćenju stanja u obavljanju djelatnosti odvodnje i prečišćavanja otpadnih voda ne pridržava obaveza iz člana 68. ove Odluke,
- b) ako u slučaju nastupanja neočekivanih prekida i poremećaja u obavljanju djelatnosti odvodnje i prečišćavanja otpadnih voda ne preduzme mjere i aktivnosti iz člana 69. ove Odluke.

Za prekršaj iz stava 1. ovog člana kazniće se i odgovorno lice općinskog organa uprave novčanom kaznom 100,00 KM do 200,00 KM.

XV PRELAZNE I ZAVRŠNE ODREDBE**Član 78.**

(Rok za donošenje pravilnika o pružanju usluge)

Pravilnik o uslovima i načinu pružanja odnosno korištenja usluge odvodnje i prečišćavanja otpadnih voda iz člana 49. ove Odluke davalac usluge će donijeti u roku od šest mjeseci od dana stupanja na snagu ove Odluke.

Član 79.(Rok za uspostavljanje evidencije
sabirnih – septičkih jama)

U roku od jedne godine od dana stupanja na snagu ove Odluke, davalac usluge će uspostaviti evidenciju vlasnika odnosno korisnika sabirnih – septičkih jama i evidenciju pražnjenja istih u skladu sa odredbama člana 24. stav 1. ove Odluke.

Član 80.(Rok za donošenje programa pražnjenja
i čišćenja sabirnih – septičkih jama)

U roku od jedne godine od dana stupanja na snagu ove Odluke davalac usluge će izraditi Program pražnjenja i čišćenja sabirnih (septičkih) jama iz člana 24. stav 2. ove Odluke.

Član 81.(Prestanak važenja Odluke o
odvodnji otpadnih voda)

Danom stupanja na snagu ove Odluke prestaje da važi Odluka o odvodnji otpadnih voda („Sl. glasnik općine Breza“ broj 5/10).

Član 82.

(Stupanje na snagu)

Ova Odluka stupa na snagu osmog dana od dana objavljivanja u Službenom glasniku općine Breza

Broj: 01/1-02-574/19

Datum: 27.03.2019. godine

PREDSJEDAVAJUĆI

Općinskog vijeća

Vedad Jusić, s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 3. a u vezi sa članom 8. stav 3. alineja 3. Zakona o principima lokalne samouprave („Službene novine FBiH“ br. 49/06 i 51/09) i člana 19. tačka 25. Statuta Općine Breza („Službeni glasnik Općine Breza“, broj 8/09 – Prečišćeni tekst,) Općinsko vijeće na sjednici održanoj dana 27.03.2019., d o n o s i

ODLUKU

o pristupanju implementaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2019. godini

Član 1.

Pristupa se implementaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2019. godini (u daljem tekstu „Projekat“) koje implementira Općina Breza i Humanitarna organizacija „MUSLIM AID SARAJEVO“.

Član 2.

Razvojni cilj Projekta je pomoći socijalno i materijalno ugrožene osobe i mlade osobe sa područja općine Breza, koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju i time stvore priliku za zapošljavanje na selu.

Ciljna skupina Projekta su:

- Nezaposlene mlade, socijalno i materijalno ugrožene osobe ili njihovi uži članovi porodice
- Nezaposlene osobe sa minimalnim primanjima

Efekti koji se očekuju provođenjem ovog Projekta su slijedeći:

- Smanjenje nezaposlenosti
- Poboľšano socijalno i materijalno stanje ugroženih osoba
- Razvoj plasteničke proizvodnje na području općine Breza

Član 3.

Obavezuje se Općinski načelnik da putem nadležne službe implementira Projekat u skladu sa Sporazumom o saradnji, zaključenim između Humanitarne organizacije „MUSLIM AID SARAJEVO“ i Općine Breza, broj: 01/2-05-371/19 od 18.02.2019. godine.

Član 4.

Sredstva za sufinansiranje Projekta u iznosu od 40 %, obezbijediti će se iz Budžeta Općine Breza za 2019. godinu kroz Program „Podsticaj poljoprivrednoj proizvodnji.“

Član 5.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-549/19
Breza, 27.03.2019.

PREDSJEDAVAJUĆI
Općinskog vijeća
Vedad Jusić,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 12. Zakona o principima lokalne samouprave u Federaciji BiH ("Službene novine FBiH", broj 49/06 i 51/09), i člana 3. i 7. Odluke o javnim priznanjima Općine Breza ("Službeni glasnik Općine Breza", broj 14/14 – Prečišćeni tekst), Općinsko vijeće Breza, na sjednici održanoj dana 27.03.2019. godine, donosi

ODLUKU

o dodjeljivanju javnog priznanja Općine Breza "Plaketa Breze"

Član 1.

U povodu 6. aprila Dana Općine Breza "**PLAKETA BREZE**",

DODJELJUJE SE:

- 1. 304. brdskoj brigadi Armije RBiH Breza**
- 2. Mjesna zajednica Vardište**

Član 2.

Uz diplomu bit će dodjeljena i novčana nagrada u iznosu od 400,00 KM.

Član 3.

Javno priznanje iz ove Odluke će se uručiti na svečanoj sjednici Općinskog vijeća koja će se održati u povodu obilježavanja Dana Općine Breza, prvom komadantu 304. brdske brigade.

Član 4.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-119/19
Breza, 27.03.2019.

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 12. Zakona o principima lokalne samouprave u Federaciji BiH ("Službene novine FBiH", broj 49/06 i 51/09) i člana 3. i 9. Odluke o javnim priznanjima Općine Breza ("Službeni glasnik Općine Breza", broj 14/14 – Prečišćeni tekst), Općinsko vijeće Breza, na sjednici održanoj dana 27.03.2019.godine, donosi

ODLUKU

o dodjeljivanju javnog priznanja Općine Breza "Nagrada Breze"

Član 1.

U povodu 6. aprila Dana Općine Breza, priznanje **"NAGRADA BREZE"**

DODJELJUJE SE:

- 1. HAZIMU (MEHMEDA) SKAKIĆU**
- 2. LEU (ROBERTA) PULJIĆU**

Član 2.

Uz diplome bit će dodjeljena i novčana nagrada u iznosu od po 300,00 KM.

Član 3.

Javno priznanje iz ove Odluke će se uručiti na svečanoj sjednici Općinskog vijeća koja će se održati u povodu obilježavanja Dana Općine Breza.

Član 4.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-119/19
Breza, 27.03.2019.

PREDSJEDAVAJUĆI
Općinskog vijeća
Vedad Jusić,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16) i člana 19. stav 1. tačka 25. Statuta Općine Breza – Prečišćeni tekst („Službeni glasnik Općine Breza“, broj: 8/09), rješavajući po prijedlogu Općinskog pravobranilaštva Breza, za utvrđivanje javnog interesa za rekonstrukciju lokalne ceste L 016 - 011, u naselju Mahala, spoj R 444 - Haldija, Općinsko vijeće Breza, na sjednici održanoj dana 27.03.2019. godine, d o n o s i

O D L U K U

o utvrđivanju javnog interesa

Član 1.

UTVRĐUJE SE DA JE OD JAVNOG INTERESA rekonstrukcija lokalne ceste L 016 - 011 u naselju Mahala, spoj R 444 - Haldija, na zemljišta koje je označeno kao:

- k.č. br. 449/1, zv. „Međuputje, kuća, pomoćna zgrada i dvorište, u površini od 462 m², upisana u zk.ul.br. 1406 k.o. Mahala, vlasništvo Nefić Samira sina Nezira sa dijelom 1/1, upisana i u Posjedovni list br. 638 k.o. Mahala, posjednika Nefić Samira sina Nezira sa dijelom 1/1,

- k.č. br. 449/2 zv. „Međuputje; njiva 2. klase, u površini od 508 m², upisana u zk.ul.br. 2553 k.o. Mahala, vlasništvo Dinar Nejre kći Mirze sa dijelom 1/1, upisana i u Posjedovni list br. 1757 k.o. Mahala, posjednika Dinar Nejre kći Mirze sa dijelom 1/1.

Na osnovu ove Odluke, nadležni organ uprave može pristupiti provođenju postupka eksproprijacije dijela parcele, označene kao k.č. br. 449/1 k.o. Mahala u površini od 7 m² i dijela parcele označene kao k.č. br. 449/2 k.o. Mahala u površini od 3 m², koje obuhvata rekonstrukcija lokane ceste L 016 – 011 u naselju Mahala, spoj R 444 - Haldija.

Član 2.

Utvrđuje se da je Općina Breza korisnik potpune eksproprijacije za rekonstrukciju lokalne ceste L 016 – 011 u naselju Mahala, spoj R 444 - Haldija, na zemljištu iz člana 1. ove Odluke.

Član 3.

Protiv ove odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana od dana dostavljanja ove odluke. Tužba se podnosi neposredno nadležnom sudu.

Član 4.

Ova Odluka će se objaviti u „Službenom glasniku Općine Breza“.

Broj: 01/1-02-571/19
Breza, 27.03.2019. godine

PREDSJEDAVAJUĆI
Općinskog vijeća
Vedad Jusić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-569/19
Breza, 27.03.2019.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o spomen obilježjima na području Općine Breza, Općinsko vijeće Breza na sjednici održanoj dana 27.03.2019.godine, d o n o s i:

ZAKLJUČAK

I

UTVRĐUJE SE Nacrt Odluke o spomen-obilježjima na području Općine Breza

Po utvrđenom Nacrtu Odluke o spomen-obilježjima na području Općine Breza sprovesti javnu raspravu sa vijećnicima, privrednicima, predsjednicima mjesnih zajednica, predstavnicima boračkih udruženja i ostalim zainteresovanim licima Općine Breza.

II

Javnu raspravu sprovesti u periodu od 27.03.2019 - 27.04.2019. godine

III

Za realizaciju zaključka zadužuje se Služba za privredu.

IV

Zaključak objaviti u „Službenom glasniku Općine Breza.

Dostavljeno:
1x Služba za privredu,
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 19. stav 1. tačka 29. Statuta Općine Breza ("Službeni glasnik Općine Breza", broj: 8/09 – Prečišćeni tekst) i člana 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17) Općinsko vijeće Breza, na sjednici održanoj dana 27.03.2019. godine, d o n o s i

ZAKLJUČAK

I

DAJE SE SAGLASNOST Hasanspahić Salihu, da u ime Osnivača a na prijedlog Općinskog načelnika predsjedava na 35. redovnoj sjednici Skupštine JP „Komunalno“ d.o.o. Breza.

II

Dnevni red 35. redovne sjednice Skupštine JP „Komunalno“ d.o.o. Breza je:

1. Izbor radnih tijela sjednice Skupštine preduzeća (zapisničara i ovjerivača zapisnika)
2. Razmatranje i usvajanje Prijedloga Odluke o izmjenama i dopunama Odluke o cijenama komunalnih proizvoda i usluga individualne potrošnje JP „Komunalno“ d.o.o. Breza sa priložima (Cjenovnik usluga odvoza i deponovanja otpada i Cjenovnik komunalnih usluga i način plaćanja komunalnih usluga) – Izvjestilac Uprava preduzeća,
3. Razmatranje i usvajanje Prijedloga Poslovnika o radu Skupštine JP „Komunalno“ d.o.o. Breza – Izvjestilac: Uprava preduzeća.

III

Prilikom glasanja po predloženim tačkama Dnevnog reda, ovlašteni punomoćnik će glasati:

1. Razmatranje i usvajanje Prijedloga Odluke o izmjenama i dopunama Odluke o cijenama komunalnih proizvoda i usluga individualne potrošnje JP „Komunalno“ d.o.o. Breza sa priložima (Cjenovnik usluga odvoza i deponovanja otpada i Cjenovnik komunalnih usluga i način plaćanja komunalnih usluga) – Izvjestilac Uprava preduzeća, ovlašteni punomoćnik će glasati PROTIV.
2. Razmatranje i usvajanje Prijedloga Poslovnika o radu Skupštine JP „Komunalno“ d.o.o. Breza – Izvjestilac: Uprava preduzeća, ovlašteni punomoćnik će glasati ZA.

IV

Zaključak objaviti u „Službenom glasniku Općine Breza“.

Broj: 01/1-02-589/19
Breza, 27.03.2019.

PREDSJEDAVAJUĆI
Općinskog vijeća
Jusić Vedad, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-550/19
Breza, 27.03.2019. godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Programa utroška sredstava sa kriterijima raspodjele sredstava "Podsticaj poljoprivrednoj proizvodnji", utvrđenih Budžetom Općine Breza za 2019. godinu, konto 614414, Općinsko vijeće Breza na sjednici održanoj dana 27.03.2019. godine, donosi

ZAKLJUČAK

I

DAJE SE SAGLASNOST na Program utroška sredstava sa kriterijima raspodjele sredstava "Podsticaj poljoprivrednoj proizvodnji", utvrđenih Budžetom Općine Breza za 2019. godinu, konto 614414

II

Isplatu novčanih sredstava izvršiti iz Budžeta Općine Breza za 2019.godinu.

III

Za realizaciju zaključka zadužuje se Služba za privredu i Služba za finansije, inspekcijske poslove i opću upravu.

IV

Zaključak objaviti u „Službenom glasniku Općine Breza“.

DOSTAVLJENO:

1x Služba za privredu,
1x Služba za finansije, insp. posl i opću up.
1x 01/1,
1x Arhiva.

PREDSJEDAVAJUĆI

Općinskog vijeća
Jusić Vedad, s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-563/19
Breza, 27.03.2019. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Godišnjeg plana i programa održavanja i zaštite javnih cesta na području Općine Breza za period 15.03.2019. - 15.11.2019. godine, Općinsko vijeće Breza na sjednici održanoj dana 27.03.2019. godine, d o n o s i:

ZAKLJUČAK

I

USVAJA SE Godišnji plan i program održavanja i zaštite javnih cesta na području Općine Breza za period 15.03.2019. - 15.11.2019. godine

II

Prilikom dodjeljivanja poslova iz Godišnjeg plana i programa održavanja i zaštite javnih cesta na području Općine Breza za period 15.03.2019. - 15.11.2019. godine, prioritet dati JP „Komunalno“ d.o.o Breza ukoliko ispunjavaju zakonom propisane uslove.

III

Za realizaciju Zaključka zadužuje se Služba za privredu

IV

Zaključak objaviti u Službenom glasniku Općine Breza

Dostavljeno:
1x Služba za privredu,
1x JP „Komunalno“ d.o.o Breza
1x 01/1,
1x a/a.

PREDSJEDAVAJUĆI
Općinskog vijeća
Vedad Jusić,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-119/19
Breza, 27.03.2019. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Odluke o dodjeljivanju javnog priznanja Općine Breza „Nagrada Breze“, Općinsko vijeće Breza na sjednici održanoj dana 27.03.2019. godine, d o n o s i:

ZAKLJUČAK

I

Da se glasanje po Odluci o dodjeljivanju javnog priznanja Općine Breza „Nagrada Breze“ po predloženim kandidatima vrši pojedinačno.

II

Zaključak objaviti u „Službenom glasniku Općine Breza“.

Dostavljeno:
1x Stručna služba OV
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-571/19
Breza, 27.03.2019. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Odluke o utvrđivanju javnog interesa, Općinsko vijeće Breza na sjednici održanoj dana 27.03.2019. godine, d o n o s i:

ZAKLJUČAK

I

Da Općinski načelnik i nadležne Općinske Službe, po stupanju na snagu Odluke o utvrđivanju javnog interesa- rekonstrukcija lokalne ceste L 016-011 u naselju Mahala spoj R 444 – Haldija, preuzete obaveze (Samir Nefić i ostali) izvrše u roku od 30 dana, u okviru zakona.

II

Za realizaciju zaključka zadužuje se Služba za privredu, Služba za prostorno uređenje, zaštitu okolice, geodetske i imovinsko-pravne odnose i Općinski načelnik.

III

Zaključak objaviti u Službenom glasniku Općine Breza.

Dostavljeno:

1x Služba za privredu,

1x Služba za prostorno uređenje

1x 01/1,

1x a/a.

PREDSJEDAVAJUĆI

Općinskog vijeća

Vedad Jusić,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-569/19
Breza, 27.03.2019.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o spomen obilježjima na području Općine Breza, Općinsko vijeće Breza na sjednici održanoj dana 27.03.2019.godine, d o n o s i:

ZAKLJUČAK**I**

UTVRĐUJE SE Nacrt Odluke o spomen-obilježjima na području Općine Breza

Po utvrđenom Nacrtu Odluke o spomen-obilježjima na području Općine Breza sprovesti javnu raspravu sa vijećnicima, privrednicima, predsjednicima mjesnih zajednica, predstavnicima boračkih udruženja i ostalim zainteresovanim licima Općine Breza.

II

Javnu raspravu sprovesti u periodu od 27.03.2019 - 27.04.2019. godine

III

Za realizaciju zaključka zadužuje se Služba za privredu.

IV

Zaključak objaviti u „Službenom glasniku Općine Breza.

Dostavljeno:

1x Služba za privredu,

1x 01/1,

PREDSJEDAVAJUĆI

Općinskog vijeća

Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-569/19
Breza, 27.03.2019. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Odluke o dodjeljivanju javnog priznanja Općine Breza „Plaketa Breze“ vrši pojedinačno, Općinsko vijeće Breza na sjednici održanoj dana 27.03.2019.godine, d o n o s i:

ZAKLJUČAK

I

Da se glasanje po Odluci o dodjeljivanju javnog priznanja Općine Breza „Plaketa Breze“ po predloženim kandidatima vrši pojedinačno

II

Zaključak objaviti u „Službenom glasniku Općine Breza.

Dostavljeno:
1x Stručna Služba OV,
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-575/19
Breza, 27.03.2019.

Na osnovu člana 33. stav 2. Zakona o pravobranilaštvu („Službene novine ZE-DO kantona“, broj 12/13) i člana 19. stav 1. tačka 18. Statuta Općine Breza („Službeni glasnik Općine Breza“, broj: 8/09 – Prečišćeni tekst,) Općinsko vijeće, na prijedlog Općinskog načelnika, na sjednici održanoj dana 27.03.2019. godine, donosi

R J E Š E N J E

o imenovanju Općinskog pravobranioca u Općinskom pravobranilaštvu Breza

I

Za Općinskog pravobranioca u Općinskom pravobranilaštvu Općine Breza imenuje se MUSTAFIĆ (Mesud) ELDIN, bachelor prava iz Breza.

II

Imenovanje se vrši na period od 4 (četiri) godine od dana imenovanja.

III

Prava i dužnosti Općinskog pravobranioca utvrđena su Zakonom o pravobranilaštvu („Službene novine ZE-DO kantona“ broj: 12/13).

IV

Ovo Rješenje stupa na snagu danom donošenja i objavit će se u „Službenom glasniku Općine Breza“.

Dostavljeno:
1x Općinsko pravobranilaštvo,
1x Mustafić Eldin,
1x Personalni dosije,
1x 01/1
1x Arhiva

PREDSJEDAVAJUĆI
Općinskog vijeća
Vedad Jusić, s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-83/19
Breza, 27.03.2019

Na osnovu člana 19. tačka 18. Statuta Općine Breza („Službeni glasnik Općine Breza“, broj 8/09, – Prečišćeni tekst) i člana 3. Odluke o raspisivanju Javnog oglasa za imenovanje člana Općinske izborne komisije (Sl. glasnik Općine Breza 1/19) te člana 7. tačka a) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Sl. glasnik BIH 29/18- Prečišćeni tekst), Općinsko vijeće Breza na sjednici održanoj 27.03.2019. godine, d o n o s i:

R J E Š E N J E

O izmjeni Rješenja o imenovanju Komisije za provođenje postupka po Javnom oglasu za imenovanje člana Općinske izborne komisije

I

Rješenju o imenovanju Komisije za provođenje postupka po Javnom oglasu za imenovanje člana Općinske izborne komisije (Sl. glasnik Općine Breza broj:1/19) mijenja se :

Predsjednik komisije Šabić (Zihnije) Mustafa razrješava se dužnosti zbog nespojivosti sa sudijskom funkcijom.

II

Za predsjednika Komisije za provođenje postupka po Javnom oglasu za imenovanje člana Općinske izborne komisije (Sl. glasnik Općine Breza broj: 1/19) imenuje se Dinar (Amira) Damir

III

Zadatak Komisije je da sprovede proceduru shodno članu 7. tačka c) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Sl. glasnik BIH 29/18 -Prečišćeni tekst)

IV

Rješenje stupa na snagu danom donošenja i objavit će se u „Službenom glasniku Općine Breza“.

DOSTAVLJENO:
1X Šabić Mustafa
1X Dinar Damir
1X Stručna Služba OV
1X Arhiva

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovina
Zeničko-Dobojski Kanton
OPĆINA BREZA
Općinski načelnik



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipal Mayor

Na osnovu člana 15. stav 1. alineja 2. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 37. stav 1. tačka 6. Statuta Općine Breza („Službeni glasnik Općine Breza“, broj: 8/09), Odluke o usvajanju Strategije integriranog razvoja Općine Breza za period 2019.-2027. godina („Službeni glasnik Općine Breza“, broj:11/18), općinski načelnik d o n o s i:

ODLUKU

o usvajanju Kalendara aktivnosti Razvojnog tima za 2019. godinu

Član 1.

Usvaja se Kalendar aktivnosti Razvojnog tima za 2019. godinu (u daljem tekstu: Kalendar).

Član 2.

Kalendar sa aktivnostima, nosiocima, vremenskim okvirom realizacije, i trajanjem se nalazi u prilogu ove Odluke i predstavlja njen sastavni dio.

Član 3.

Razvojni tim Općine Breza, do uspostave Jedinice za upravljanje razvojnim aktivnostima (JURA), je odgovoran da se aktivnosti, definisane Kalendarom, provode u pogledu rokova i u skladu sa odgovornostima.

Član 4.

Ova Odluka stupa na snagu danom objavljivanja u „Službenom glasniku Općine Breza.“

Broj: 01/2-05-609 /19
Breza, 25.03.2019. godine



OPĆINA BREZA

Kalendar aktivnosti RT-a za 2019. godinu

Aktivnost	Nosilac/inicijator	Vremenski okvir/trajanje	Napomena
Priprema i usvajanje kalendara za 2019. godinu	<p>Inicijator i vlasnik procesa: Koordinator RT-a</p> <p>Nosioci i učesnici procesa: Šefovi stručnih službi i ostali službenici u organu uprave</p>	<p>Do 01.04. tekuće godine</p> <p>Trajanje: 4 sedmice</p>	<p>Kalendar za praćenje realizacije godišnjeg plana rada jedinственог опćинског органа управе обухвата процесе који се одnose на праћење и вредновање имплементације Стратегије опćине и извршења редовних послова и активности опćинске администрације.</p>
Priprema godišnjih planova rada stručnih službi za tekuću godinu uključujući projekte iz Strategije razvoja i redovne poslove (PRVI NACRT)	<p>Inicijator i vlasnik procesa: Šefovi stručnih službi</p> <p>Nosioci i učesnici u procesu: Razvojni tim (do uspostave JURA-e) i ostali uposlenici</p>	<p>08.02.-01.04. tekuće godine.</p> <p>Trajanje: 6 sedmica</p>	<p>Prvi nacrt godišnjih planova rada stručnih službi jedinственог опćинског органа управе се приpreма до 28.02.2019. године за текућу годину. Nacrte godišnjih planova rada izrađuje svaka od stručnih službi jedinственог опćинског органа управе. Svaka od stručnih službi jedinственог опćинског органа управе је носитељ ове активности. При изради годишњег плана рада, односно дијела који се односи на годишњи буџет стручне службе, помоћ ће пружити стручна служба финансија. Развојни тим до успоставе JURA-e сарађује са свим стручним службама и води рачуна о томе да су сви пројекти и мјере из плана имплементације стратегије на адекватан начин пренесени у годишњи план рада стручних служби.</p>
Priprema i usvajanje objedinjenog Godišnjeg plana rada опćинске управе	<p>Inicijator i vlasnik procesa: Načelnik опćине са координатором RT-a до успоставе JURA-e</p> <p>Nosioci i učesnici u procesu: Kolegij načelnika опćине</p>	<p>01.03.-31.05. tekuće godine.</p> <p>Trajanje: 6 sedmica</p>	<p>Na osnovu dostavljenih nacrta planova službi/odjeljenja, Koordinator RT-a до успоставе JURA-e израђује збирни Годишњи план рада опćинске управе, који обухвата стратегије и редовне активности свих служби.</p> <p>Koordinator RT-a će, такође, помоћи начелнику опćине да на основу тога састави свој годишњи план рада (уколико га приpreма као посебан документ).</p> <p>Годишњи објединjeni план рада опćинске управе потребно је усвојити релевантном одлуком.</p>

Jedinstvenog općinskog organa uprave od strane Općinskog vijeća	Općinski načelnik sa šefovima službi	naredne godine.	planove svih službi.
Priprema kalendara praćenja realizacije godišnjeg plana rada jedinstvenog općinskog organa uprave za 2020. godinu	<p>Nosioci i učesnici u procesu: RT-e i šefovi službi</p> <p>Inicijator i vlasnik procesa: Razvojni tim</p> <p>Nosioci i učesnici procesa: Ostali službenici JURA/RT</p>	Do 31. januara naredne godine.	Kalendar za praćenje realizacije godišnjeg plana rada jedinstvenog općinskog organa uprave obuhvata procese koji se odnose na praćenje i vrednovanje implementacije Strategije općine i izvršenja redovnih poslova i aktivnosti općinske administracije.
Razrada projekata	<p>Inicijator i vlasnik procesa: Razvojni tim do uspostave JURA-e</p> <p>Nosioci i učesnici procesa: Šefovi stručnih službi</p>	Kontinuirano, tokom cijele godine, prema dinamici plana implementacije	Razvojni tim do uspostave JURA-ekoordinira razradu projektnih prijedloga sa relevantnom stručnom službom, pruža metodološke smjernice i tehničku pomoć.
Praćenje eksternih izvora finansiranja	<p>Inicijator i vlasnik procesa: Koordinator RT-ado uspostave JURA-e</p> <p>Nosioci i učesnici procesa: Nadležne službe kao i ostali službenici</p>	Kontinuirano, tokom cijele godine	Praćenje eksternih izvora finansiranja radi se uz stalnu, minimalno kvartalnu razmjenu informacija sa ostalim službama.
Praćenje provođenja Plana implementacije strategije 2018-2020	<p>Inicijator i vlasnik procesa: Koordinator RT-a do uspostave JURA-e</p> <p>Nosioci i učesnici procesa: Šefovi službi i ostali službenici</p>	Kontinuirano	<p>Šefovi službi određuju osobe iz službi koje na kraju svakog mjeseca dostavljaju Koordinatoru RT-a do uspostave JURA-e informacije o statusu projekata za čiju realizaciju su nadležni. Prikupljeni podaci o realiziranim projektima se unose u odgovarajući alat APIS.</p> <p>Koordinator RT-a zajedno sa službenicima prati stanje implementacije na nivou ukupne implementacije te obavlja periodičnu kontrolu unosa podataka u alat za praćenje implementacije Strategije.</p>
Praćenje implementacije i izrada izvještaja o realizaciji godišnjih planova rada službi za 2019. godinu.	<p>Inicijator i vlasnik procesa: Šefovi službi</p> <p>Nosioci i učesnici procesa: Kolegij načelnika Koordinator Razvojnog tima Ostali službenici</p>	<p>Mjesečno: Redovno informisanje putem kolegija načelnika</p> <p>Polugodišnje:</p>	<p>Stručne službe na mjesečnom nivou putem redovnih kolegija načelnika informišu o stanju/progresu realizacije planova rada službi.</p> <p>Stručne službe pripremaju sažete izvještaje o pokazateljima realizacije njihovih godišnjih planova.</p> <p>Koordinator RT-a do uspostave JURA-e priprema zbirni izvještaj o implementaciji godišnjih planova službi.</p> <p>Na kvartalnom nivou općinske službe informišu RT-e do uspostave JURA-e i kolegij</p>

Priprema kalendara praćenja realizacije godišnjeg plana rada jedinstvenog općinskog organa uprave za 2019	Inicijator i vlasnik procesa: Razvojni tim Nosioci i učesnici procesa: Ostali službenici JURA/RT	Do 15.06. tekuće godine. Trajanje: 2 sedmice	Priprema kalendara praćenja realizacije godišnjeg plana rada jedinstvenog općinskog organa uprave
Priprema planova službi za 2020. godinu, uključujući projekte iz Strategije razvoja i redovne poslove	Inicijator i vlasnik procesa: Šefovi stručnih službi Nosioci i učesnici u procesu: Kordinatorator RT-a i Razvojni tim	Do 15. septembra tekuće godine.	Prvi nacrt godišnjih planova rada stručnih službi jedinstvenog općinskog organa uprave za iduću godinu se pripremaju do 15. septembra tekuće godine. Ovo se poklapa sa pripremom prvog nacrta budžeta jedinstvenog općinskog organa uprave za iduću godinu. Nacrte godišnjih planova rada izrađuje svaka od stručnih službi jedinstvenog općinskog organa uprave. Svaka od stručnih službi jedinstvenog općinskog organa uprave je nositelj ove aktivnosti. Pri izradi godišnjeg plana rada, odnosno dijela koji se odnosi na godišnji budžet stručne službe, pomoć pruža stručna služba za financije. RT surađuje sa svim stručnim službama i vodi računa o tome da su svi projekti i mjere iz plana implementacije strategije na adekvatan način preneseni u godišnji plan rada stručnih službi.
Priprema objedinjenog godišnjeg plana rada općinske uprave za 2020. godinu	Inicijator i vlasnik procesa: Načelnik općine i kordinatorator RT-e do uspostave JURA-e Nosioci i učesnici u procesu: Kolegij načelnika	01.10-31.12. Trajanje: 4 sedmice	Stručne službe pripremaju godišnje planove rada stručnih službi nakon čega se priprema objedinjeni godišnji plan rada općinske uprave.
Uključivanje strateških projekata i mjera u plan budžeta za narednu godinu	Inicijator i vlasnik procesa: Razvojni tim, šef Službe za finansije Nosioci i učesnici procesa: Razvojni tim Kolegij načelnika	01-31.10. (prvi nacrt) 4 sedmice 01-30.11. (drugi nacrt) 4 sedmice 01-15.12. (treći nacrt) 2 sedmice	Razvojni tim koordinira proces uključivanja projekata i mjera iz razvojne Strategije u Općinski budžet.
Usklađivanje godišnjih planova rada službi sa usvojenim budžetom općine	Šefovi stručni službi Kolegij načelnika	Od 5 do 15. januara naredne godine. Trajanje: 10 dana	Godišnji planovi rada službi se dodatno usklađuju sa usvojenim budžetom općine.
Usvajanje godišnjeg plana rada	Inicijator i vlasnik procesa:	Do 31. januara	Godišnji plan rada se usvaja kao krovni dokument, koji objedinjuje usklađene

<p>Uključivanje Partnerske grupe u praćenje implementacije Strategije</p>	<p>Inicijator i vlasnik procesa:Koordinator razvojnog tima</p> <p>Nosioci i učesnici u procesu: Ostali službenici, partnerska grupa, Općinski Razvojni tim</p>	<p>Do 31. jul (za prvih 6 mjeseci tekuće godine)</p> <p>Godišnje: Do 31. maj (za prethodnu godinu)</p>	<p>načelnikao provedenoj dinamici monitoringa i statusu prikupljenih podataka o realizaciji godišnjih planova. Izvještaji se pripremaju polugodišnje i godišnje u definisanom formatu.</p> <p>RT-e do uspostave JURA-e priprema kvartalne (po potrebi i češće) informacije o presjeku stanja implementacije strateških prioriteta (uključujući preporuke za unapređenje ukoliko uoči značajne probleme i odstupanja od plana) koje se razmatraju na Kolegiju načelnika.</p>
<p>Ostale važne aktivnosti u sklopu RT-a do uspostave JURA-e:</p> <ol style="list-style-type: none"> 1. Redovno ažuriranje web stranice a općine u domenu informacija koje se odnose na razvojne aktivnosti 2. Redovni kontakti sa višim nivoima vlasti 3. Uspostavljanje i unaprijeđenje međuopštinske saradnje 	<p>Inicijator i vlasnik procesa:Koordinator razvojnog tima do uspostave JURA-e i imenovanja šefa službe</p> <p>Nosioci i učesnici procesa: Ostali službenici</p>	<p>Prvi sastanak PGa: Do 31. maja tekuće godine (za Plan implementacije 2018-2020)</p> <p>Drugi sastanak PGa: Do 31. jul (za prvih 6 mjeseci tekuće godine)</p> <p>Kontinuirano, tokom cijele godine</p>	<p>Koordinator RT-a do uspostave Odjela za upravljanje lokalnim razvojem priprema informaciju o stanju implementacije strategije.</p> <p>Na sastanku sa Partnerskom grupom se razmatra status implementacije Strategije, daju se preporuke za poboljšanja, kao i dodatne aktivnosti.</p> <p>Konsultacije sa partnerskom grupom moraju biti transparentne, medijski praćene i zaključci objavljeni na internet prezentaciji općine.</p> <p>Koordinator RT-a do uspostave Odjela za lokalni razvoj je zadužen za redovno ažuriranje sadržaja web stranice općine.</p> <p>Redovni kontakti sa višim nivoima vlasti se održavaju u cilju obezbjeđivanja izvora finansiranja, unaprijeđenja regulatornog okvira, učešća u inicijativama kantona federalnog ili RS nivoa.</p> <p>Redovni kontakti i saradnja sa drugim općinama i gradovima i Savezom općina i gradova u cilju nalaženja mogućnosti za sprovođenje projekata međuopštinske saradnje i zajedničko apliciranje za dostupne fondove.</p>

S A D R Ź A J

95. Odluka o odvodnji i prečišćavanju otpadnih voda.
116. Odluka o pristupanju implementaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2019. godini
117. Odluka o dodjeljivanju javnog priznanje Općine Breza „Plaketa Breze“
118. Odluka o dodjeljivanju javnog priznanje Općine Breza „Nagrada Breze“
119. Odluka o utvrđivanju javnog interesa rekonstrukcija lokalne ceste u naselju Mahala
120. Zaključak o utvrđivanju Nacrta Odluke o spomen obilježjima na području Općine Breza
121. Zaključak o davanju saglasnosti Hasanspahić Salihu
122. Zaključak o davanju saglasnosti na Program utroška sredstava sa kriterijima raspodjele sredstava „Podsticaj poljoprivrednoj proizvodnji, utvrđenih Budžetom Općine Breza za 2018. godinu“
123. Zaključak o usvajanju Godišnjeg plana i programa održavanja i zaštite javnih cesta na području Općine Breza za period 15.03.2019.-15.11.2019.
124. Zaključak o načinu glasanja za dodjelu javnog priznanja Općine Breza „Nagrada Breze“
124. Zaključak o preuzimanju obaveza po stupanju na snagu Odluke o utvrđivanju javnog interesa- Samir Nefić
125. Zaključak o utvrđivanju Nacrta Odluke o spomen obilježjima na području Općine Breza
126. Zaključak o načinu glasanja za dodjelu javnog priznanja Općine Breza „Plaketa Breze“
127. Rješenje o imenovanju Općinskog pravobranioca u Općinskom pravobranilaštvu Općine Breza
128. Rješenje o izmjeni Rješenja o imenovanju komisije za provođenje postupka po Javnom oglasu za imenovanje člana Općinske izborne komisije
129. Odluka o usvajanju Kalendara aktivnosti Razvojnog tima za 2019. godinu

